

250.15

36

1~24

新建縣志

新建縣志

道光十年重刻

板藏縣署

重脩新建縣志序  
新建治附鄆初統于南冒自  
宋太平興國後定今名于山  
見厭原而駸匡廬之大于水  
見章貢而匯彭蠡之深左隣  
境或屬攀援惟斯邑全據異  
勝山水勝則霧雪鍾霧雪鍾

新建縣志

序

一

則人才之蔚越物產之豐饒  
與夫文章風俗政治之茂美  
有由來也舊傳有邑人丁之  
翰圖志喻均舊志果書湮沒  
不存二者惟楊令規山志創  
脩于康熙庚申邸令香禮志  
重脩于乾隆庚午迄今七十

餘年輿圖猶是紀載闕如將  
利弊之沿革莫稽歲時之  
祥失記循良未豈黜賢喆  
幾致沉淪賤沒不知增損  
何時營建不知廢興何地  
併忠臣孝子義夫節婦之  
潛德幽光未及聞業雖責  
左薦紳抑

夫有司責也嘉慶壬申余嘗  
攝篆于斯凡民情習尚山水  
名蹟所左無不諳悉周知上  
丰春復由南城移調承乏茲  
土蒞任初見邑人杰剏建書  
院規模壯爲脩葺學宮氣象  
新爲他如崇聖殿文昌宮奎

星閣魏公祠諸營建較前更  
極美備焉余方嘉獎不置適  
奉檄纂江右通志並飭各屬  
預脩邑志以備參稽時太常  
曹雲浦先生給假回籍素具  
鴻才卓識余閱舊志又本吳  
先宮博文恪公手定遂禮請

新建縣志

序

三

而丐為總輯並延各繩紳士  
啓局分纂幸先生不惟不  
棄也且偕邑紳士等矢公矢  
慎踴躍蒐羅精勤校訂歷一  
寒暑而卷帙告成請敘于余  
余按輿躰例一遵舊志自象  
緯襍祥坡池建置錢穀兵農

以及人物科第戶口食貨詳  
所宜詳畧所宜畧無偏私無  
虛假固皆邑紳士力也余特  
樂觀厥成而已朕正足以見  
我國家大化翔洽六宇承平二百  
餘年來休養生息之孔長涵

新建縣志



序

四

聖天子之省方問俗資良有司之

育漸摩之最久邑紳士用能  
殫見洽拳徵文攷獻以仰副  
因時采政則志乘彰明夫知  
厥原章貢之苑苑灑泗而霧  
雩永聚也果關係豈淺鮮哉  
謹書此以答邑紳士請

道 峇 炎 卯 年 歲 左 闕 逢 君 灘 嘉 平  
 月 之 吉 知 新 建 縣 事 北 平 雷  
 學 塗 謨



新建縣志

序

五



新建縣志卷首

新建縣志舊序 楊志

巡撫安世鼎曰楊令學擅窮經才優製錦寓撫字於催科培膠庠於絃誦理繁治劇之暇而復留心文獻延請博洽紳衿歛操牛耳廣蒐博採取裁於紫陽綱目分燈午夜不數月而纂輯成編上其事於余余閱之分類較若列眉詳畧歸於至當一展卷而象緯災祥山川形勝沿革建置錢穀兵農人物文章戶口食貨上下古今瞭然在目唐哉皇哉夫以千百年之遺佚而歛毅然肇創克成不刊之鉅典此豈踵事增華者可同日語也

新建縣志

卷首

舊序

一

布政使王新命曰豫章爲東南都會而新建爲省會首邑西江之采風覽勝者必於是乎始邑志其可闕乎新令楊子以名進士具經濟才分符茲土值干戈初定催科撫字並行不悖復謀之縉紳博士弟子廣羅博採創脩邑志子素聞楊子之名及承乏旬宣見其才識敏練卓越不羣是人其境其政可知也觀其宰一邑之政其宰天下之政可知也

布政使王日藻曰今北平楊子才畧騰踔政聲向膾炙人

口乘哀鴻甫定勞來拊循之暇毅然告郡邑大夫諸俊彥之博洽者採摭遺文逸史廣覽跼蹐錯綜考核殫厥心慮彙爲成書所謂輿地星野賦役水利兵防職官學校戶口人物仙釋等類詳畧巨細編輯一無遺漏何其才畧宏而用志勤且若是哉子長有言曰易著天地陰陽四時五行故長於變今是志之天象星緯可考焉禮樂紀人倫故長於行書紀先王之事故長於政今是志之器度儀文官品人物可考焉詩紀山川谿谷禽獸草木故長於風樂樂所以立故長於和今是志之風俗正變怨刺咏歌可考焉春

新建縣志

卷首

舊序

二

秋辨是非故長於治人今是志之別淑慝王章大義可攷焉彬彬乎豈非經三才綸五經體國經野之鴻書哉

叅政李月桂曰覺山楊子作宰三年聲譽蜚於京朝將應天子明詔且晚遄行慨然念邑志之未立而探討典故咨詢於邑之耆舊紳韋以有事於綜輯焉於是自輿地星野以迄典制物產賦役水利兵防靡不具載而歸重於名臣理學經濟文章以人物爲山川之本爲卷三十爲條目百有餘十一邑之大觀不三月而告成功於戲盛哉昔季札聘上國見易象春秋而歎周禮之在魯范武子聞折俎享

宴之詞歸而講求典禮若是乎文獻之足重矣士君子初入仕途社稷人民茫然無措今入其境而知風會之所以成寬猛競緣之所以用則斯志於是乎在楊子之功詎不偉哉

副使李世昌曰庚申夏楊子謀諸紳士父老于邑于野總同人之所歸爲之志輿地星野以見其經緯焉爲之志沿革以見其得失焉爲之志建置以見其紀畫焉爲之志典章食貨俗尙前蹟以見其明備平準好尙不一焉爲之志賦役水利志文明以見其民不遷農不移輸將不變觀於

新建縣志

卷首

舊序

三

天人以化成焉爲之志兵防藝文志人物名宦以見其設險立軌及班姓族氏前言往行大有異乎治法治理焉他若人畧而詳人詳而畧別類分門咸適乎宜幾經論次彙而成書甚矣志之難也

僉事遲煊曰今楊子之爲邑志也可謂極難學富縹緗才優經濟理盤錯如烹小鮮一旦簿書之暇慨然倣周官太史小史內外史之遺意而作輿之凡新邑之所爲沿革損益淳漓詳畧之故靡不燦如列星纍纍如連珠不數月而告成猗歟休哉何其易也

僉事詹惟聖曰楊子以良史而兼良史之長當烽燧已熄  
撫字旣殷之餘卽謂邑志未成無以昭前列而示來許爰  
謀卿大夫以暨諸生相與博採羣書廣稽野史錯綜劑量  
考校精詳志輿地以紀職方志營建以彰法制志官師以  
昭典守志選舉以表登庸他若賦役若戶口若物產諸有  
關於邑治者靡不詳畧盡悉巨細畢陳至如紀傳詞章孝  
友節義之類亦皆編纂無遺嚴慎不濫能使讀是志者展  
卷洞然瞭若指掌洵足爲當代之鉅觀矣昔蕭鄴侯入咸  
陽他無所重獨收天下圖籍朱考亭知郡事下車卽詢郡

## 新建縣志

### 卷首

舊序

四

邑志書固有急其遠且大者楊子之爲是役匪獨媲美前  
哲直與周禮體國經野設官分職之意相爲表裏不得謂  
一邑之志僅供雞林考擇而無補於治術之遠且大也

知府諸保宥曰大興楊子來宰是邑實心實政厯著循良  
政治人和穆然於山高水長欲垂不朽業創爲縣志心裁  
手訂僅兩閱月而功竣爲輿地星野各一卷凡表三考八  
志八傳九共三十卷以三十卷臚列篇章不啻史記縷析  
條分五服繡錯誠詳且盡矣且製格操觚式諸鄙陽叅以  
夾漈彷彿之元凱無臆說不揣師也抑是書與編年記事之

體稍異觀天而見星躔觀地而別井疆區域觀人而知風俗正變怨刺歌咏旁晰昆虫草木之名若夫器度儀文災祥淑慝王章大義據事直書經之以三才緯之以五經貫之廿一史而志以作楊子之宏才大用因史爲志文章功業可並傳不朽

知縣楊周憲曰自周官以外史掌四方之志五等諸侯遂各得志其事以上於天子然則國風之正變雜陳其郡邑志之肇端乎而麟經其最著者也夫子曰吾志在春秋春秋二百四十二年所見異辭所聞異辭所傳聞異辭雖甲

新建縣志

卷首

舊序

五

戊巳亥不妨闕疑而內舉必詳焉夫邢茅凡蔣帶礪與盟乃紀載缺如竟委諸荒煙蔓草卽殤叔左史晉楚之作者有人然義類不著君子病之而宗邦百里凡夫山川土田世卿陪貳治亂興衰之故今猶指掌列眉得附尼山之筆削以不朽嗟乎典蓋若斯之重也漢制郡國上計簿頒副於太史唐初作十道圖繼有元和郡縣志宣宗命儒臣纂次諸州風土爲處分語卒成大中之治至有宋寰宇志明太祖因之元一統志成祖因之皆籤軸蘭臺用資採擇蓋自漢以來志事與史事相表裏也久矣我

國家誕膺歷服聲教旁敷玉帛車書來王萬國歲壬子廷  
臣請徵天下通志列史館蓋將以編纂鴻集黼黻太平維  
時葺邑斗城咸載筆從事而新建獨缺然無聞焉令甫下  
車進詢父老知爲從來所未有不禁愕然者久之嗣以軍  
興旁午日乘瘠馬於量沙聚米間出入戴星有志創修而  
未逮又念豫章爲人文淵藪鄱陽文獻名竝三通迨經世  
八大編而章本清圖書鄧潛谷函史首重焉其在新邑文  
端相業文潔元燈陳孟起之冬御葛衣魏水洲之人稱鐵  
漢當其出緒餘爲文章亦旣奔走豪傑衣被天下乃於邑

新建縣志

卷首

舊序

六

志獨未嘗過而問焉母亦修史莫難於志故矜慎筆墨若  
斯乎抑亦如樂子正記寰宇晏元獻作典要其大業自在  
宇內不屑屑於桑梓地耶鄭夾漈云修書者未必能文能  
文者未必能修書余也兩俱無可而欲膺茲鉅任惴惴乎  
白鳥負岳矣爲閣筆者又久之比以赫濯廊清江省熒熒  
下吏仰荷憲仁項或得強肘可無掣部內百廢修舉惟茲  
邑乘未能去懷夫山川疆理令所當省也名宦鄉賢令所  
當法也然物則常變人則常增雍州之賦錯上上今乃移  
以料吳越而新邑浮糧累獨甲焉他若蛟井填灰龍沙齊

堞椒邱昌邑雉趾全無九津三湖茅根半塞滄桑陵谷數  
從乎變矣若夫西山蜿蜒章水漪洄旁礪清淑之氣不孕  
爲丹砂石乳必鍾而爲鉅卿學士孝子忠臣以及乎貞夫  
節婦而寓賢循吏亦若借其山水之靈竒以錯出乎其間  
雲起霞蒸數又從乎增矣夫以此日增日變之數千百年  
來徒附梗概於韻乘之末餘則聽之悠悠終古焉合固一  
官傳舍矣俾後起者欲考鏡盛衰得失而致慨於杞宋無  
徵孰非舊尹之責哉今夏仲條請其事於上官咸報可乃  
禮薦紳先生於堂是訓是行揖諸博士弟子員於庭爰咨

新建縣志

卷首

舊序

七

爰度一切簿書奔走昧旦而出夜分乃休則支一燈於心  
遠亭提綱析目起例發凡一以紫陽當陽爲斷又復蒐遺  
訂誤各綴弁言浹六旬而告竣爲圖凡十五表凡三考凡  
二十有三志凡五傳凡十四共爲卷三十乃捐私橐付諸  
剞劂氏客有過余者曰子之志具體經史矣首圖有易象  
焉次表倣龍門焉考法備周官志義詳禹貢列傳以下無  
譏矣蓋善善欲長故史嚴而志恕今子無尺寸可操之權  
無史官之責獨取邑之人而進之退之且取羣然欲進羣  
然不欲退之人而少進之多退之夫人之欲善誰不如我

令其增茲多口哉合作而歎曰有是哉作露布而不知體製鐵券而不知式不學無術令大類是鑄經緯史談何易易乃若核真去僞是是非非義竊取春秋矣趙汭謂以其所不書實其所書以其所書推見其所不書惟左氏得春秋之要令之志人物也志斯志焉耳雖然令俗吏也語以文事匪惟不敢亦不暇韓稚圭有言琦爲相歐陽永叔知制誥天下文章莫大於是又永叔隸錢文僖幕下乃日游嵩少流連歌詠經旬不返蓋文僖實涵育之俾得成其文章之盛今令技窮五短才乏三長於六一公何啻鐘缶乃

新建縣志

卷首

舊序

八

大中丞公實獎借焉寬假焉監司太守諸先生又從而玉成之使俗吏得以治文事補千年之缺增百里之光恩踰於文僖魏公遠矣且魏公文僖固不聞有寵錫元晏如今茲者也康熙辛酉九月旣望日

邑人檢討鄒度琪曰吾邑首隸省會向故無邑志而附見郡乘誠爲缺典今我侯覺山先生特起而創修之蓋公以通材卓識政成俗美百廢具興乃毅然以邑志爲已任肇始仲夏迄於仲秋爰集衆長斷以特筆華而不靡瞻而有裁今讀其書則輿地生野之有圖而爲卷者二沿歷官師

選舉之有表而爲卷者三建置典制食貨山川風俗古蹟  
之有改而爲卷者八賦役水利兵防藝文軼事之有志而  
爲卷者八名宦流寓人物之有傳首列名臣理學經濟而  
不遺乎方技仙釋而爲卷者九合之得三十卷爲篇千二  
百有奇詳畧具陳洪纖畢舉俾士庶有所持循而來茲永  
爲遵守新志雖一邑乎而實備宇內之鉅觀矣

邑人按察使趙曰冕曰楊覺山先生真人宗也自蒞政來  
單心精慮以廢墜未興之巖土儼若新造之家邦取公卓  
蹟儷以古賢則閻孟度之於綿竹也王穉子之於河內也

## 新建縣志

### 卷首

舊序

九

彭子循之於吳興劉景駿之於肥鄉也政成報最又能以  
自公之暇詢蕘謀野哀輯獻聞叙圖列帙裁成允協由前  
言之事同草昧由後言之其道文明矣而文明之大端竊  
於星野圖見焉何者凡建置沿革山川形勝人物名宦節  
烈仙釋有因而革者有革而因者有詳而畧者有畧而詳  
者有微而之顯者有顯而之微者義例昭而本末著是非  
當而好惡公洵稱良矣至星野一圖考他郡志得未曾有  
易曰觀乎天文以察時變非學究天人孰能幾此  
邑人叅議杜果曰邑侯覺山先生獨力以邑志自任博採

夙聞近綜遺事立創新例大增舊文閱兩月而畢事聞者無不羨其工且敏焉嗟乎今之新建蓋已非復昔之新建矣兵興以來賦逋民勞自楊侯之來宰是邑也於今四年事之廢者無不脩法之罷者無不立虎度於河鴻集於澤朝廷深知公治行旣最乃績行有日矣先是邑志久失自他人處此當不復厝意而公以爲急于行而悉置之驚于寵也難其事而姑待之墮于志也先時有弗遑也後時有弗及也惟此時其可愛進諸邑人而謀之懸車束馬須成書而後議行噫中世士大夫以官爲傳舍其在是也常有

新建縣志

卷首

舊序

十

連蜚之志及其得遷遂若有去之惟恐不速者以視于公其相去何如耶

邑人叅政萬翔曰公擅三長之尤兼以十行之敏採經據史錯綜典諺辨晰條例審決指歸爲圖者二爲表者三爲攷志者八爲傳者九懸日未幾纂定一書以垂不朽非獨廣博馴雅已也余聞之志者志也志在復古則確追先程志在振衰則力持流弊雖興廢之乘乎勢沿革之因乎昔人物財賦消長耗聚之存乎氣運三復斯志而便于民風宜于土俗卽數百世後爲損爲益其槩可知也真西山有